



13/1495-29
«_29_» հունվարի 2024թ.

ք. Երևան

Որոշում N 0139

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

Հայաստանի Հանրապետության առողջապահական և աշխատանքի տեսչական մարմնի (այսուհետ նաև՝ Տեսչական մարմին) Երևան քաղաքի տարածքային կենտրոնի պետ Գագիկ Գրիգորյանս, ուսումնասիրելով.

1) ՀՀ պետական եկամուտների կոմիտեի (այսուհետ նաև՝ ՀՀ ՊԵԿ) նախագահի 2023 թվականի նոյեմբերի 03-ի /70-5/66260-2023 գրությունը և ներկայացված կից արձանագրությունը,

2) վարչական վարույթ հարուցելու մասին 2023 թվականի նոյեմբերի 13-ի թիվ ՎՎ-2646-Ա հրամանը,

3) վարչական վարույթ հարուցելու մասին 2023 թվականի նոյեմբերի 13-ի թիվ 06/24532-2023 ծանուցումը,

4) վարչական իրավախախտումների վերաբերյալ արձանագրության կազմմանը հրավիրելու վերաբերյալ 2023 թվականի դեկտեմբերի 22-ի թիվ 13/27914-2023 ծանուցագիրը,

5) վարչական իրավախախտման վերաբերյալ 2024 թվականի հունվարի 10-ի N 0037 արձանագրությունը,

6) վարչական իրավախախտումների վերաբերյալ գործի քննությանը հրավիրելու վերաբերյալ 2024 թվականի հունվարի 10-ի թիվ 13/364-2024 ծանուցագիրը:

Պարզեցի

1. Նկարագրական մաս

Ղեկավարվելով «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «բ» կետով և հաշվի առնելով ՀՀ պետական եկամուտների կոմիտեի (այսուհետ նաև՝ ՀՀ ՊԵԿ) նախագահի 2023 թվականի նոյեմբերի 03-ի /70-5/66260-2023 գրությունը և ներկայացված կից արձանագրությունը, ՀՀ առողջապահական և աշխատանքի տեսչական մարմնում (այսուհետ նաև՝ Տեսչական մարմին) 2023 թվականի նոյեմբերի 13-ին հարուցվել է թիվ 131123-2616 վարչական վարույթը՝ ՀՀ, քաղաք Երևան, Կոմիտաս 43/3 հասցեում գործող «ԴԱՎԻԹ ԳԵՎՈՐԳՅԱՆ ԳԱԳԻԿԻ» անհատ ձեռնարկատիրոջ (այսուհետ նաև՝ Անհատ ձեռնարկատեր) (ՀՎՀՀ՝ 20167167) կողմից ՀՀ աշխատանքային օրենսգրքի 14-րդ, 85-րդ և 102-րդ հոդվածների պահանջների պահպանումը պարզելու նպատակով:

ՀՀ ՊԵԿ ստուգում իրականացնող պաշտոնատար անձանց կողմից 2023 թվականի հունիսի 26-ին կազմված արձանագրության համաձայն՝ Նատալյա Անդրանիկի Եփրեմյանը (վաճառողուհի) «ԴԱՎԻԹ ԳԵՎՈՐԳՅԱՆ ԳԱԳԻԿԻ» անհատ ձեռնարկատիրոջ (այսուհետ նաև՝ Անհատ ձեռնարկատեր) մոտ աշխատել է առանց գրավոր աշխատանքային պայմանագրի կամ անհատական իրավական ակտի:

Վարչական վարույթի ընթացքում Անհատ ձեռնարկատեր Դավիթ Գևորգյանը 2023 թվականի նոյեմբերի 30-ին Տեսչական մարմնին ներկայացրել է հայտարարություն այն մասին, որ 2023 թվականի հունիսի 26-ին ՀՀ ՊԵԿ ստուգում իրականացնող պաշտոնատար անձանց կողմից արձանագրության կազմման ժամանակ Նատալյա Անդրանիկի Եփրեմյանը (վաճառողուհի) աշխատել է առանց գրանցման հայտի, իսկ աշխատանքային պայմանագիրը կնքված է եղել 2023 թվականի հունիսի 20-ին (ՀՀ ՊԵԿ-ի արձանագրության կազմման օրվանից առաջ 20.06.2023թ. հայտարարությունը և աշխատանքային պայմանագիրը կցվում է):

Հարուցված վարչական վարույթի շրջանակներում գործի քննարկման համար էական համարվող հանգամանքներ պարզելու նպատակով փոխօգնության կարգով միջոցներ ձեռնարկելու համար 2023 թվականի դեկտեմբերի 11-ին գրություն է ուղարկվել ՀՀ պետական եկամուտների կոմիտե՝ խնդրելով տրամադրել Նատալյա

Անդրանիկի Եփրեմյանի (ՀԾՀ 7823060068) վարձու աշխատողի և պայմանագրային եկամուտ ստացող ֆիզիկական անձի անհատական տվյալների գրանցման հայտը՝ ներկայացված՝ «ԴԱՎԻԹ ԳԵՎՈՐԳՅԱՆ ԳԱԳԻԿԻ» Ա/Ձ-ի կողմից:

ՀՀ պետական եկամուտների կոմիտեի նախագահի 2023 թվականի դեկտեմբերի 14-ի թիվ /70-5/75251-2023 գրությամբ Տեսչական մարմնին է տրամադրվել տեղեկատվություն, որի համաձայն ՀՀ ՊԵԿ-ի տեղեկատվական բազայում Նատալյա Անդրանիկի Եփրեմյանի վերաբերյալ տեղեկատվություն (վարձու աշխատողի և պայմանագրային եկամուտ ստացող ֆիզիկական անձի) առկա չէ:

Վարչական մարմինը՝ ուսումնասիրելով գործում առկա փաստաթղթերը, ՀՀ ՊԵԿ աշխատակիցների կողմից կազմված՝ 26.06.2023թ-ի արձանագրությունը, բացատրություն արձանագրությունը՝ առ այն, որ Նատալյա Անդրանիկի Եփրեմյանը Անհատ ձեռնարկատիրոջ մոտ աշխատել է 2023 թվականի հունիս ամսից, և 26.06.2023թ. ներկայացրած հայտարարությունը՝ գտնում է, որ վերջինս 2023 թվականի հունիսի 26-ին առանց գրավոր աշխատանքային պայմանագրի կնքման (անհատական իրավական ակտի ընդունման) աշխատել է Անհատ ձեռնարկատիրոջ մոտ, որով խախտվել են ՀՀ աշխատանքային օրենսգրքի 14-րդ և 85-րդ հոդվածների պահանջները:

Հիմք ընդունելով «Վարչական իրավախախտումների վերաբերյալ» ՀՀ օրենսգրքի 255-րդ հոդվածը, 2024 թվականի հունվարի 10-ին կազմվել է N 0037 վարչական իրավախախտումների վերաբերյալ արձանագրությունը, որը վարչական իրավախախտումների վերաբերյալ գործի քննության ծանուցագրի հետ միասին «ԴԱՎԻԹ ԳԱԳԻԿԻ ԳԵՎՈՐԳՅԱՆ» անհատ ձեռնարկատիրոջը ծանուցվել է Հայաստանի Հանրապետության հրապարակային ծանուցումների պաշտոնական ինտերնետային կայքի միջոցով:

Հարուցված վարչական վարույթի բազմակողմանիությունը, օբյեկտիվությունն ու լրիվությունն ապահովելու նպատակով 2024 թվականի հունվարի 29-ին, ժամը 10⁰⁰-ին Տեսչական մարմնի Երևան քաղաքի տարածքային կենտրոնում (ք. Երևան, Սայաթ-Նովա պողոտա 2) տեղի է ունեցել վարչական իրավախախտումների վերաբերյալ գործի քննություն, որին «ԴԱՎԻԹ ԳԱԳԻԿԻ ԳԵՎՈՐԳՅԱՆ» անհատ



ձեռնարկատերը պատշաճ ծանուցված լինելով չի ներկայացել և նրա կողմից միջնորդություն չի ներկայացվել գործի քննությունը հետաձգելու վերաբերյալ:

2. Պատճառաբանական մաս

Վարչական մարմինը հաստատված է համարում, որ Նատայա Անդրանիկի Եփրեմյանը 2023 թվականի հունիսի 26-ի դրությամբ, առանց գրավոր աշխատանքային պայմանագրի կնքման (անհատական իրավական ակտի ընդունման) աշխատել է Անհատ ձեռնարկատիրոջ մոտ, որով խախտվել են ՀՀ աշխատանքային օրենսգրքի 14-րդ և 85-րդ հոդվածների պահանջները (հիմք՝ 2024 թվականի հունվարի 10-ի N 0037 վարչական իրավախախտման վերաբերյալ արձանագրությունը):

«Վարչական իրավախախտումների վերաբերյալ» ՀՀ օրենսգրքի 267-րդ հոդվածի համաձայն՝ վարչական իրավախախտման վերաբերյալ գործը քննվում է վարչական պատասխանատվության ենթարկվող անձի ներկայությամբ: Գործը կարող է այդ անձի բացակայությամբ քննվել միայն այն դեպքերում, երբ տվյալներ կան գործի քննության տեղի և ժամանակի մասին նրան ժամանակին ծանուցելու վերաբերյալ և եթե նրանից միջնորդություն չի ստացվել գործի քննությունը հետաձգելու մասին:

Վարչական իրավախախտումների վերաբերյալ գործի քննության արդյունքում վարչական մարմինը՝ քննելով գործում առկա բոլոր փաստական հանգամանքները, հաստատված է համարում, որ կատարվել է վարչական իրավախախտում, որի համար պատասխանատու է «Դավիթ Գևորգյան Գազիկի» անհատ ձեռնարկատերը (անձնագիր՝ AU0205135, տրված 2021-03-19-ին, 010-ի կողմից):

Վերջինիս կողմից վարչական իրավախախտում կատարելու մեջ առկա չեն «Վարչական իրավախախտումների վերաբերյալ» ՀՀ օրենսգրքի 33-րդ և 34-րդ հոդվածներով սահմանված վարչական պատասխանատվությունը մեղմացնող կամ ծանրացնող հանգամանքներ:

«Վարչական իրավախախտումների վերաբերյալ» ՀՀ օրենսգրքի 9-րդ հոդվածի համաձայն՝ վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ

ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն: Նշված իրավանորմից հետևում է, որ օրենսդիրը վարչական իրավախախտման առկայության հիմքում դրել է մեղքի առկայությունը, որը կարող է դրսևորվել դիտավորությամբ կամ անզգուշությամբ:

Վարչական մարմինը գտնում է, որ անհատ ձեռնարկատեր Դավիթ Գագիկի Գևորգյանի կողմից իրավախախտումը կատարվել է անզգուշությամբ:

«Վարչական իրավախախտումների վերաբերյալ» ՀՀ օրենսգրքի 11-րդ հոդվածի համաձայն՝ Վարչական իրավախախտումը համարվում է անզգուշությամբ կատարված, եթե այն կատարած անձը կանխատեսել է իր գործողության կամ անգործության վնասակար հետևանքների առաջացման հնարավորությունը, բայց թեթևամտորեն հույս է ունեցել կանխելու դրանք կամ չի կանխատեսել այդպիսի հետևանքներ առաջանալու հնարավորությունները, թեև պարտավոր էր և կարող էր կանխատեսել դրանք:

«Վարչական իրավախախտումների վերաբերյալ» ՀՀ օրենսգրքի 14-րդ հոդվածի համաձայն՝ պաշտոնատար անձինք ենթակա են վարչական պատասխանատվության այնպիսի վարչական իրավախախտումների համար, որոնք կապված են կառավարման կարգի, պետական ու հասարակական կարգի, բնության, բնակչության առողջության պահպանության ոլորտում սահմանված կանոնները և մյուս այն կանոնները չպահպանելու հետ, որոնց կատարման ապահովումը մտնում է նրանց պաշտոնեական պարտականությունների մեջ: Նշված հոդվածից հետևում է, որ Դավիթ Գագիկի Գևորգյանը ՀՀ օրենսդրությամբ սահմանված կարգով քաղաքացիաիրավական և վարչաիրավական հարաբերություններում հանդես է գալիս որպես անհատ ձեռնարկատեր՝ պաշտոնատար անձ:

«Վարչական իրավախախտումների վերաբերյալ» ՀՀ օրենսգրքի 169⁵-րդ հոդվածի 1-ին մասի համաձայն՝ առանց Հայաստանի Հանրապետության օրենսդրությամբ նախատեսված աշխատանքի ընդունման պահանջները բավարարող աշխատանքային պայմանագրի աշխատող պահելն առաջացնում է տուգանքի

նշանակում խախտում թույլ տված անձի նկատմամբ՝ սահմանված նվազագույն աշխատավարձի հիսնապատիկի չափով՝ խախտման յուրաքանչյուր դեպքի համար:

3. Եզրափակիչ մաս

Ղեկավարվելով «Վարչական իրավախախտումների վերաբերյալ» ՀՀ օրենսգրքի 230-րդ, 279-րդ, 281-րդ, 283-րդ հոդվածներով և 282-րդ հոդվածի 1-ին մասով՝

Որոշեցի՝

1. Դավիթ Գագիկի Գևորգյանին՝ որպես խախտում թույլ տված անձ, ՀՀ աշխատանքային օրենսգրքի 14-րդ և 85-րդ հոդվածների պահանջները խախտելու համար «Վարչական իրավախախտումների վերաբերյալ» ՀՀ օրենսգրքի 169⁵-րդ հոդվածի 1-ին մասով ենթարկել վարչական տույժի՝ սահմանված նվազագույն աշխատավարձի հիսնապատիկի չափով, խախտման յուրաքանչյուր դեպքի համար 50.000 ՀՀ դրամ՝ թվով 1 (մեկ) անձի համար, ընդհանուր գումարով՝ 50.000 (հիսուն հազար) ՀՀ դրամ:

2. Կիրառվող տուգանքը ենթակա է վճարման պետբյուջեի՝ ՀՀ առողջապահական և աշխատանքի տեսչական մարմնի կողմից իրավախախտումների համար կիրառվող տուգանքների և պատժամիջոցների մուտքեր N900005024097 հաշվեհամարին:

3. Սույն վարչական ակտն ուժի մեջ է մտնում վարույթի մասնակիցներին իրազեկելուն հաջորդող օրվանից:

4. Սույն վարչական ակտն ստանալու օրվանից 2 ամսվա ընթացքում կարող է բողոքարկվել Հայաստանի Հանրապետության առողջապահական և աշխատանքի տեսչական մարմին, ինչպես նաև ՀՀ վարչական դատավարության օրենսգրքի 72-րդ հոդվածով սահմանված ժամկետում կարող է բողոքարկվել վարչական դատարան:

Սույն վարչական ակտն ենթակա է ծանուցման Դավիթ Գագիկի Գևորգյանին ՀՀ, քաղաք Երևան, Արաբկիր, Վաղարշյան փողոց, 26 շենք, բնակարան 17 և ՀՀ, քաղաք Երևան, Կոմիտաս 43/3 հասցեներով:

ԵՐԵՎԱՆ ՔԱՂԱՔԻ ՏԱՐԱԾՔԱՅԻՆ
ԿԵՆՏՐՈՆԻ ՊԵՏ'



Восстановимая подпись

X

ԳԱԳԻԿ ԳՐԻԳՈՐՅԱՆ

Подписано: GRIGORYAN GAGIK 1903670195

ԳԱԳԻԿ ԳՐԻԳՈՐՅԱՆ



ՀՀ ԱՊՐԱՆՈՒԹՅԱՆ ԵՎ ԱՌԻՍՏՆԱԿԻ
ՏԵԼԵԿՈՆԻ ՄԱՐՄԱՆ
HEALTH AND LABOR INSPECTION BODY
OF THE REPUBLIC OF ARMENIA

Ստացական

Հայփոստ ՓԲԸ 02507464
Նամակ 2և 3
Կոդը: LO116512245AM
Առաքանի N: 119809814

Պատվիրված/Պայմանագրային

Ուղարկող

ՀՀ ՎԱ Առողջապահական և
աշխատանքի տեսչական մարմին
Armenia, Մարզ ԵՐԵՎԱՆ Ք. / Գ.
ԵՐԵՎԱՆ Փ. ԱՐՄԵՆԱԳՅԱՆ Փ. , 129

Ստացող

ԴԱՎԻԹ ԳԵՎՈՐԳՅԱՆԻՆ
Armenia, Մարզ ԵՐԵՎԱՆ Ք. / Գ.
ԵՐԵՎԱՆ Փ. ՀՀ քաղաք Երևան,
Սրբովյան, Վարդապետյան գրող, 26, 17

Քաշը 30
Սակագինը 380
Լրացուցիչ 380
Վճարվել է 760

Օպերատոր

Manya Lalayan
Բաժանմունք
0001

Ամսաթիվը 30/01/2024 09:23

Ստացական

Հայփոստ ՓԲԸ 02507464
Նամակ 2և 3
Կոդը: LO116512397AM
Առաքանի N: 119810024

Պատվիրված/Պայմանագրային

Ուղարկող

ՀՀ ՎԱ Առողջապահական և
աշխատանքի տեսչական մարմին
Armenia, Մարզ ԵՐԵՎԱՆ Ք. / Գ.
ԵՐԵՎԱՆ Փ. ԱՐՄԵՆԱԳՅԱՆ Փ. , 129

Ստացող

ԴԱՎԻԹ ԳԵՎՈՐԳՅԱՆԻՆ
Armenia, Մարզ ԵՐԵՎԱՆ Ք. / Գ.
ԵՐԵՎԱՆ Փ. Կոմիտաս , 43/3

Քաշը 30
Սակագինը 380
Լրացուցիչ 380
Վճարվել է 760

Օպերատոր

Manya Lalayan
Բաժանմունք
0001

Ամսաթիվը 30/01/2024 09:23



Հայ



Հետևել բեռնային համարով

Բեռնային համար

LO116512245AM

Ստուգել →

Առաքանի - LO116512245AM

Առաքանու մանրամասներ

Ամսաթիվ	Իրադարձություն	Երկիր	Գտնվելու վայրը	Լրացուցիչ ինֆորմացիա
2024-02-12 11:29	Վերադարձի ենթակա	Հայաստան	(EV) Տեսակավորում Երևան	
2024-02-10 11:40	Վերադարձի ենթակա	Հայաստան	Փոստատար	
2024-02-10 10:33	Վերադարձի ենթակա	Հայաստան	(0001) Նալբանդյան 21	
2024-02-09 19:06	Վերադարձի ենթակա	Հայաստան	(EV) Տեսակավորում Երևան	
2024-01-31 12:20	Վերադարձի ենթակա	Հայաստան	Փոստատար	
2024-01-31 10:46	Վերադարձի ենթակա	Հայաստան	(0012) Կոմիտասի 19	





Հայ ▾



Հետևել բեռնային համարով

Բեռնային համար

LO116512397AM

Ստուգել →

Առաքանի՝ LO116512397AM

Առաքանու մանրամասներ

Ամսաթիվ	Իրադարձություն	Երկիր	Գտնվելու վայրը	Լրացուցիչ ինֆորմացիա
2024-01-31 11:17	Հանձնված է առաքման	Հայաստան	Փոստատար	
2024-01-31 10:37	Հանձնված է առաքման	Հայաստան	(0051) Կոմիտասի 41	
2024-01-30 19:24	Հանձնված է առաքման	Հայաստան	(EV) Տեսակավորում Երևան	
2024-01-30 09:23	Հանձնված է առաքման	Հայաստան	(0001) Նալբանդյան 21	
2024-01-29 16:19	Հանձնված է առաքման	Հայաստան	Ստեղծված է հաճախորդի կողմից	

Հայտնել ուղաքման մասին

